



## **Aneks 4 Modula 4 – Pravila simulacije suđenja**

Svaki tim treba da ima po četiri (4) člana.

### **Tužilaštvo:**

- izlaže optužnicu
- direktno ispituje svjedoka
- iznosi materijalne dokaze tužilaštva
- unakrsno ispituje svjedoka obrane
- iznosi završnu riječ

### **Odbrana:**

- izjašnjava se o optužnici
- direktno ispituje svjedoka optužbe
- unakrsno ispituje svjedoka optužbe
- iznosi završnu riječ

### **Svjedoci:**

- moraju u duhu istine odgovarati na postavljena pitanja

### **Postavka sudnice:**

Ekipe tužilaštva će sjediti sa desne strane Sudskog vijeća, iz ugla posmatranja Vijeća, dok će ekipa odbrane shodno sjediti sa lijeve strane.

### **Zakletva svjedoka**

Svjedoci će prije početka izlaganja pročitati tekst zakletve koji glasi:

„Zaklinjem se – izjavljujem da ću o svemu što pred sudom budem pitan govorniti istinu i da ništa od onoga što mi je poznato neću prešutjeti.”

### **Tijek suđenja:**

Čitanje optužnice

Izjašnjavanje Odbrane o optužnici

### **Dokazni postupak:**

Direktno ispitivanje svjedoka 1 od strane Tužilaštva



Unakrsno ispitivanje svjedoka 1 od strane Odbrane

Direktno ispitivanje svjedoka 2 od strane Tužilaštva

Unakrsno ispitivanje svjedoka 2 od strane Odbrane

Direktno ispitivanje Psihijatrijskog vještaka od strane Tužilaštva

Unakrsno ispitivanje Psihijatrijskog vještaka od strane Odbrane.

(Direktno ispitivanje svjedoka i vještaka Tužilaštva nastavlja se dok ne budu ispitani svi svjedoci i vještaci.)

#### **Završeno provođenje dokaza od strane Tužilaštva**

1. Direktno ispitivanje svjedoka 3 od strane Odbrane
2. Unakrsno ispitivanje svjedoka 3 od strane Tužilaštva
3. Direktno ispitivanje vještaka medicine od strane Odbrane
4. Unakrsno ispitivanje vještaka medicine od strane Tužilaštva

(Direktno ispitivanje svjedoka i vještaka Odbrane nastavlja se dok ne budu ispitani svi svjedoci i vještaci.)

1. Završna riječ Tužilaštva
2. Završna riječ Odbrane

#### **Vremenske odrednice**

Izlaganja svih učesnika u simulaciji suđenja će biti vremenski ograničena na sljedeći način:

1. Čitanje optužnice (5 minuta)
2. Izjašnjavanje o optužnici (5 minuta)
3. Ispitivanje svjedoka i vještaka Tužilaštva (15 minuta)
4. Ispitivanje svjedoka i vještaka Odbrane (15 minuta)
5. Završna riječ (5 minuta za svaku stranu) ukupno: 10 minuta

Ukupno vrijeme: 50 minuta

#### **Unutarškolsko takmičenje simulacije suđenja (proces selekcije i format)**



Nakon završetka rada sekcije o pravosudnom sistemu BiH, kroz koju će se obraditi najvažniji aspekti krivičnog postupka u okviru osam modula, profesori će pristupiti formiranju timova za simulaciju suđenja. Od ukupnog broja učenika koji su učestvovali su sekciji, potrebno je odabrati najmanje 16 koji će učestvovati u školskoj, inter-muralnoj simulaciji suđenja. U toku izvođenja sekcije, profesori će pratiti angažman i skolnosti učenika kako bi im dodijelili odgovarajuće uloge u “sudnici”.

Relevantni kriterij za selekciju učesnika u takmičenju će biti aktivnost i doprinos u aktivnostima sekcije, redovno prisustvo predavanjima i pokazani nivo stečenog znanja.

U odabiru članova timova profesori trebaju voditi računa o etničkoj i spolnoj zastupljenosti učesnika, kako bi se osigurao maksimalni nivo ravnopravnosti.

U procesu selekcije, kao i u toku priprema i realizacije simulacije suđenja strogo će se voditi računa o sprječavanju bilo kojeg vida diskriminacije. Svaki slučaj ispoljavanja intolrancije ili neumjesnih i uvredljivih komentara profesori trebaju odmah prijaviti organizatorima, radi poduzimanja adekvatnih mjera.

Od odabranih 16 učesnika u sekciji o pravosuđu formirat će se 4 tima. Svaki tim će se sastojati od 4 člana, i održat će se tri runde takmičenja (dvije poufinalne i jedna finalna). Iz grupe od 16 učesnika, izabrat će se 4 predstavnika škole za finalno takmičenje. Predstavnici škole će biti učenici sa najvećim brojem osvojenih bodova u toku takmičenja. Bodovanje će se zasnivati na kriterijima sposobnosti javnog govora i argumentacije.

Uloge koje će biti dodijeljene učenicima za simulaciju suđenja su:

#### **TIM 1 TUŽILAŠTVO**

1. Tužilac
2. Svjedok 1 - Alen Bošnjak
3. Svjedok 2- Prodavač benzinske pumpe
4. Psihijatrijski vještak

#### **TIM 2 ODBRANA**

5. Optuženi Marko Todorović
6. Branilac
7. Svjedok 3 – Policajac koji je vršio uviđaj



## 8. Medicinski vještak

U okviru jedne runde takmičit će se dva tima od po 4 učenika. Jedan tim će predstavljati tužilaštvo, dok će drugi tim predstavljati odbranu. Učenicima iz oba tima će biti dodijeljene adekvatne uloge. Potrebno je da u fazi pripreme takmičenja učenici dovoljno upoznaju materijal slučaja, kako bi bili fleksibilni u preuzimanju uloga, posebno na finalnom takmičenju. Bez obzira na dodijeljenu ulogu, svi učenici će biti uzeti u obzir za finalno takmičenje, jer će se bodovanje vršiti na individualnoj bazi.

Ulogu sudskog vijeća će preuzeti profesori koji su vodili sekciju, a na finalnom takmičenju će to biti predstavnici pravosudnih organa BiH.